

Vischnaunca da Medel/Lucmagn



Lescha da pumpiers

2023

I. Determinaziuns generalas/incaricas

- Art. 1 Intent
Art. 2 Incaricas

II. Obligaziun da prestar survetsch

- Art. 3 Obligaziun da prestar survetsch
Art. 4 Deliberaziun dil survetsch activ da pumpiers
Art. 5 Deliberaziun dall'obligaziun da prestar survetsch da pumpiers
Art. 6 Relaschada prematura

III. Organisaziun

- Art. 7 Survigilonza suprema
Art. 8 Suprastonza communal
Art. 9 Duers da survetsch dils pumpiers
Art. 10 Segirada

IV. Alarmaziun/intervenziun da seracass

- Art. 11 Alarmaziun
Art. 12 Persunal da vischnaunca

V. Survetsch d'exercezi

- Art. 13 Survetsch d'exercezi
Art. 14 Objects d'exercezi

VI. Finanziaziun

- Art. 15 Taxa da cumpensaziun

VII. Ordinaziuns penals

- Art. 16 Surpassaments
Art. 17 Exclusiun

VIII. Mieds legals

- Art. 18 Protestas

IX. Determinaziuns finalas

- Art. 19 Execuziun
Art. 20 Annullaziun dil dretg vertent
Art. 21 Entrada en vigur

Sebasond sin art. 26 alinea 3 dalla lescha davart la protecziun preventiva encunter incendis ed ils fatgs da pumpiers el cantun Grischun (BR 840.100; lescha davart la protecziun encunter incendis) ed artechel 63 dalla constituziun communalala relai la vischnaunca la suandonta lescha.

I. Determinaziuns generalas/incaricas

Art. 1 Intent

Questa lescha regla las incaricas e l'organisaziun dils pumpiers dalla vischnaunca da Medel aschilunsch che quellas cumpetan buc ad organs cantunals.

Art. 2 Incaricas

¹Ils pumpiers prevegnan a donns generals. Els prestan agid immediat, en special tier:

- a. incendis ed explosiuns;
- b. donns elementars e donns da natira;
- c. la tscherca ed il salvament da personas ed animals;
- d. cass che donnegeschan ni periclitescan igl ambient;
- e. intervenziuns el senn dalla protecziun dalla populaziun.

²Sper quellas incumbensas generalas sa la suprastanza communalala ni il stab da catastrofas clamar ils pumpiers encunter indemnisiatiun ad ulteriurs survetschs ed autres intervenziuns sche:

- a. la savida dil fatg ed igl equipament dils pumpiers ein necessaris;
- b. las intervenziuns secunfan cullas incumbensas generalas dils pumpiers e
- c. la promtadad d'intervegnir ei garantida da tut temps.

³La vischnaunca da Medel meina ils fatgs da pumpiers ensemen cullas vischnauncas da Tujetsch e Mustér.

II. Obligaziun da prestar survetsch

Art. 3 Obligaziun da prestar survetsch

¹Persunas cun domicil da dretg civil ella vischnaunca da Medel ein obligadas al survetsch da pumpiers.

²L'obligaziun da prestar survetsch entscheiva all'entschatta digl onn ch'ins cumplenescha il 21avel onn da naschientscha e cuoza entochen la fin digl onn ch'il 45avel onn da naschientscha vegr cumplenius. La suprastanza communalala sa sbassar la vegliadetgna da survetsch entochen al 18avel onn da naschientscha ni alzar quella entochen il 55avel onn da naschientscha sch'igl effectiv pretendiu sa buca vegr contonschius cul cuoz da survetsch previu.

³L'obligaziun da prestar survetsch vegr ademplida entras survetsch activ ni entras pagar ina taxa da compensaziun. Negin ha il dretg da vegr partius tier al survetsch activ.

⁴La suprastanza dall'organisaziun da pumpiers decida sin proposta dil cumendant tgi ch'ademplescha ils criteris pil survetsch activ. Suandonts criteris ston vegr risguardai:

- a. qualificaziun personala;
- b. contonschibladad;

c. basegns tenor igl effectiv pretendiu.

⁵Il cumandant da pumpiers sa ordinar da tut temps ina examinaziun medicinala per cumprovar la habilitad da prestar survetsch.

Art. 4 Deliberaziun dil survetsch activ da pumpiers

¹Dil survetsch activ da pumpiers, denton buca dalla taxa da cumpensaziun, ein deliberai:

- a. persunas ch'exequeschan incaricas ufficialas ch'ein buca cumpatiblas cul survetsch activ da pumpiers;
- b. persunas che san cumprovar impediments corporals;
- c. persunas en scola da recrut ni en survetsch da militar cuntuau.

²En cass motivai sa la suprastanza communal deliberar ulteriuras gruppas da persunas dil survetsch activ da pumpiers.

Art. 5 Deliberaziun dall'obligaziun da prestar survetsch da pumpiers

¹Dall'obligaziun da prestar survetsch da pumpiers ein deliberai:

- a. commembras/commembers dalla suprastanza communal (incl. actuar);
- b. spirituals e persunas d'uordens religius dallas baselgias cantunalas;
- c. tier persunas maridadas, persunas en concubinat, persunas en partenadi registrau che vivan el medem tenercasa ei mo ina persuna obligada da prestar survetsch da pumpiers. La vegliadetgna dalla persuna cul gudogn principal decida davart la fin dall'obligaziun da prestar survetsch;
- d. geniturs ch'educheschan persuls affons ella vegliadetgna prescolara e scolaria;
- e. dunnas en speronza e dunnas d'affons pigns tochen la vegliadetgna da 12 meins;
- f. persunas che lavuran tier in survetsch da cazzola blaua;
- g. persunas che prestan survetsch activ en in menaschi da pumpiers renconuschius dil cantun;
- h. persunas digl exterior cun lubentschas L, G, F ni N;
- i. persunas cun ina menda spirtala cumprovabla ni ina menda corporala cun in grad d'invaliditat da 50% ensi;
- j. students en studi cumplein ed emprendists en ina scolaziun renconuschida entochen la vegliadetgna da 25 onns (il mussament da scolaziun ei d'inoltrar entochen ils 30-09).

²En cass motivai sa la suprastanza communal deliberar ulteriuras gruppas da persunas dall'obligaziun da prestar survetsch da pumpiers.

Art. 6 Relaschada prematura

¹En cass ch'in attest medicinal lubescha buca pli d'exequir in survetsch da pumpiers activ, finescha quel prematuradamein.

²Persunas deliberadas per motivs medicinals han da pagar la taxa da cumpensaziun. Exclusa da questa regulaziun ein las persunas tenor artechel 5 alinea i.

III. Organisaziun

Art. 7 **Survigionza suprema**

La suprastonza communal exequesch la survigionza suprema dils pumpiers ensemenculs commembers da suprastonza da Tujetsch e Mustér, aschilunsch che quei cumpeta a sia obligaziun. Ella engascha per quei intent ina suprastonza dalla organisaziun da pumpiers.

Art. 8 **Suprastonza communalia**

Alla suprastonza communalia cumpetan ils suandonts pensums:

- a. fixar il cuoz da survetsch tenor art. 3;
- b. recrutar ed annunziar candidats pusseivels pil survetsch al cumendant da pumpiers tenor art. 3;
- c. deliberar persunas dil survetsch activ tenor art. 4;
- d. deliberar persunas dall'obligaziun da prestar survetsch da pumpiers tenor art. 5;
- e. fixar la taxa da cumpensaziun tenor art. 15;
- f. supreender cumpetenzas buca adossadas ad in auter organ.

Art. 9 **Duers da survetsch dils pumpiers**

¹Ils pumpiers ein obligai da dar suatienschad in clom da survetsch.

²Els han da supreender las incaricas adossadas ad els.

³Els san vegnir obligai da sescolar vinavon e da supreender obligaziuns da cader. Leutier ein els obligai d'absolver ils cuors ed exercezis corrispondents e da prestar il survetsch tenor lur grad e funcziun.

Art. 10 **Segirada**

L'organisaziun da pumpiers Sursassiala procura che las persunas en siu survetsch seigien segiradas a moda usitada encunter consequenzas finanzialas en cass da malsognas ni accidents caschunai entras il survetsch da pumpiers e che las persunas vegnien informadas corrispondentamein.

IV. Alarmaziun/intervenziun da seracass

Art. 11 **Alarmaziun**

¹Persunas che constateschan in fiug ein obligadas d'alarmar ils pumpiers (118).

²L'alarmaziun dils pumpiers succeda sur il sistem d'alarmaziun dall'Assicuranza d'edifecis dil cantun Grischun. L'organisaziun da pumpiers Sursassiala metta a disposiziun eventuais apparats necessaris.

Art. 12 Persunal da vischnaunca

Il persunal da vischnaunca e dallas corporaziuns d'aua, sco cau-fontauna e cau dil menaschi tecnic, la gruppera forestala e tecnica stattan a disposiziun al meinacziun tier in seracass.

V. Survetsch d'exercezi**Art. 13 Survetsch d'exercezi**

Mintga persuna che presta survetsch activ da pumpiers survegn all'entschatta digl onn da pumpiers in plan d'exercezi. Quei plan vala sco clom da survetsch.

Art. 14 Objects d'exercezi

¹Habitants da casas, respectivamein ils possessurs da quellas, ein sin damonda supplicai da schar exercitar ils pumpiers en e vid lur objects e da lubir access a quels entochen allas 21³⁰.

²Objects d'exercezi e parts da quels ein da tractar culla megliera pusseivla precauzion. Tier l'elecziun dils objects ein proprietaris, respectivamein ils habitants dad informar ad uras. Ils pumpiers han da prender risguard sin eventuais cass da malsogna ed ulteriuras circumstanzias specialas.

VI. Finanziaziun**Art. 15 Taxa da compensaziun**

¹Persunas obligadas al survetsch da pumpiers, ch'ein buca deliberadas tenor art. 5 da quel, han da pagar ina taxa da compensaziun annuala, sch'ellas prestan buca survetsch activ.

²La suprastanza communal fixescha l'altezia dalla taxa da compensaziun sche pusseivel en concordanza cun las ulteriuras suprastanzas da Tujetsch e Mustér. Quella importa sil pli pauc frs. 300.– e sil pli bia frs. 600.–.

³La taxa da compensaziun vegn incassada pigl onn calendar. Termin da tagl ei ils 30 da settember. Ei dat negins quens pro rata.

⁴Per dimorants dall'jamna sa la suprastanza communal conceder ina reducziun. Sclaus d'ina tala reducziun ein dimorants dall'jamna sin intschess dallas vischnauncas dall'organisaziun da pumpiers Sursassiala. En conflicts cun auters cantuns ei il domicil da taglia decisivs.

⁵Tgi che absolva en in onn la mesedad ni pli pauc dils exercezis ordinaris sto pagar, sper ils castitgs, era la taxa da compensaziun.

VII. Ordinaziuns penals

Art. 16 Surpassaments

Pumpiers che cunterfan alla lescha da pumpiers ni a camonds da lur superiurs san vegnir castigai cun ina multa da tochen frs. 1'000.-. Tier cass levs sa la persuna era vegnir admonida. Per castitgs ei la suprastonza dall'organisaziun da pumpiers responsabla sin proposta dil commando.

Art. 17 Exclusiun

Tier cuntravenziuns grevas e repetidas viers la lescha ed ils reglements da pumpiers ni camonds dils superiurs sa la persuna pertuccada, sper il castitg, era vegnir exclausa dil corp da pumpiers. Davart ina exclusiun decida la suprastonza dall'organisaziun da pumpiers sin proposta dil commando.

Art. 18 Protestas

¹Encunter decisiuns dil cumendant sa vegnir recurriu tier la suprastonza dall'organisaziun da pumpiers enteifer 30 dis suenter la communicaziun.

²Encunter decisiuns dalla suprastonza dall'organisaziun da pumpiers ni dalla suprastonza communal sa vegnir recurriu tier la Dertgira administrativa dil cantun Grischun enteifer 30 dis.

IX. Determinaziuns finalas

Art. 19 Execuziun

La suprastonza dils Pumpiers Sursassiala relai ils reglements executorics tier questa lescha.

Art. 20 Annullaziun dil dretg vertent

Cun l'entrada en vigur da questa lescha vegnan tuttas prescripziuns communalas che stattan en cuntradicziun cun ella cassadas, specialmein la lescha da pumpiers dils 24 da mars 2015.

Art. 21 Entrada en vigur

Questa lescha passa en vigur igl 1. da schaner 2024. Approbau entras la radunanza da vischnaunca ils 7 da december 2023.

Il president communal:

Claudio Simonet

Il canzlist communal:

Valentin Pally

Approbau cun decret entras l'Assicuranza d'edifecis dil Grischun.

Cuera, ils

Assicuranza d'edifecis dil Grischun

Il directur:

Marc Handlery

Igl inspectur cantunal
da pumpiers:

Conradin Caduff